



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KТРО 0021769 22
Sarajevo, 02.12.2022. godine

SUD BOSNE I HERCEGOVINE
SARAJEVO
-Sudiji za prethodno saslušanje-

Na osnovu člana 35. stav 2. tačka i) i člana 226. i 227. st. 1. ZKP-a BiH, podižem:

OPTUŽNICU

Protiv:

BIJELIĆ MILOŠA [redacted] rođenog [redacted] 2001. godine u
Dandenogu, Australija, [redacted] državljanina BiH, [redacted]

Što je:

Dana, 16.12.2021. godine oko 6,15 sati na magistralnom putu M1-100 Novi Grad -Bosanska Krupa, u mjestu Otočka polja, općina Bosanska Krupa, u blizini benzinske pumpe [redacted] zatečen da u unutrašnjem i u prtljažnom prostoru putničkog motornog vozilg marke „Audi Q7“ crne boje, registarskih oznaka [redacted], vlasništvo [redacted], prevozi 37 crnih PVC vreća rezanog duhana, ukupne težine 390,10 kg, i to: 35 crnih PVC vreća po 10,00 kg rezanog duhana, jednu PVC vreću od 20,00 kg rezanog duhana i jednu PVC vreću od 20,10 kg rezanog duhana, kao i kartonski paket u kojem se nalazilo ukupno 10.000 komada ručno motanih cigareta, upakovanih u 50 kutija za filtere, crveno-bijele boje, natpisa „King size“ po 200 cigareta, sve bez akciznih markica i dokaza o porijeklu, sa ciljem da ih stavi u prodaju, a koje cigarete i rezani duhan se u smislu člana 6. stav 1. tačka a) i c) Zakona o akcizama u BiH („Sl. glasnik BiH“, broj 49/09 i 49/14) smatraju duhanskim prerađevinama, čime je postupio suprotno članu 25. stav 1. Zakona o akcizama u BiH, jer se navedene duhanske prerađevine u smislu člana 4. stav 2. tačka b) Zakona o akcizama u BiH smatraju akciznim proizvodom, koji, prije stavljanja u promet, mora biti obilježen akciznim

markicama na način propisan poreznim zakonodavstvom BiH, a u kojoj prodaji je spriječen izvršenom kontrolom navedenog vozila od strane policijskih službenika Granične policije BiH, JGP Dobrljin,

***Dakle,** proizvode koji nisu bili obilježeni kontrolnim i poreznim markicama na način propisan poreznim zakonodavstvom BiH, pokušao staviti u promet, odnosno prodaju,*

***Čime je počinio,** krivično djelo Nedozvoljen promet akciznih proizvoda iz člana 210a. stav 1. KZ-a BiH, u vezi sa članom 26. KZ-a BiH.*

*TUŽILAC
TUŽILAŠTVA-TUŽITELJSTVA BiH*